

欽定大清會典事例

欽定大清會典事例卷四百四十七

禮部

羣祀

聖

巡幸祭先代名臣先賢忠烈祠墓  
本朝名臣

巡幸祭先代名臣先賢忠烈祠墓暨

本朝名臣○康熙十年。

聖祖仁皇帝謁盛京

祖陵。穎毅親王薩哈璘克勤郡王岳託。功臣直義公費

英東。宏毅公額亦都武勳王揚古利。忠義公圖

爾格墓。各遣大臣祭酒。○二十一年。

聖祖仁皇帝巡幸盛京謁

祖陵。穎毅親王克勤郡王。功臣費英東額亦都揚古利。圖爾格墓。遣大臣讀文致祭。貝勒以下奉恩將軍以上一品官墓。遣官祭酒。

東京之莊親王篤義剛果貝勒墓。亦遣大臣前往祭奠。

永陵內附葬之武功郡王恪恭貝勒墓。遣大臣於殿外兩旁設筵致祭。○是年。

聖祖仁皇帝詣盛京。

駐蹕灤州日。遣官詣伯夷叔齊廟行禮。

諭伯夷叔齊古之聖人。清風可仰。爾等前往。可焚香展

敬。○三十六年。

聖祖仁皇帝西巡狩至陝西橫城。

諭趙良棟乃為國宣力建功之臣。來朝經過其門。遣皇長子及部院諸臣往奠。致祭一次。陳福曾為國效力。適至此地。亦著致祭一次。○又

諭朕躬親至此地。甯夏陣亡官員兵丁。宜查明加恩。所有陣亡官員遣官祭奠。○三十七年。

聖祖仁皇帝駐蹕盛京。

諭開國佐運動臣揚古利費英東額亦都三人。效力甚可嘉尚。此三人墓。朕祭。

昭陵之日。親臨奠酒。其餘諸臣。效力亦屬可嘉。康熙二十一年。曾經祭奠者。照前舉行。額毅親王薩哈璘克勤郡王岳託等墓。各遣大臣致祭。欽此。尋揚古利費英東額亦都之子孫等。奏請停止。奉

諭。

太祖

太宗開國定鼎。爾祖輔佐勳勞。爾等未必詳悉。朕比來閱觀

實錄。知爾等之祖於開創時功績懋著。深屬可嘉。朕既親來謁

陵必當臨爾祖墓奠酒。爾等毋庸再奏。○四十二年。聖祖仁皇帝西巡狩至陝西西安府。百里內。

本朝勳臣墳墓俱遣官奠祭。○乾隆八年。

高宗純皇帝巡幸盛京。謁

陵禮成。

親臨克勤郡王岳託功臣揚古利費英東額亦都墓

賜奠。又武功郡王禮敦恪恭貝勒塔扎費揚武額毅親

王薩哈璘功臣圖爾格墓。各遣官致祭。又達爾

漢巴圖魯親王舒爾哈齊多羅卓立克圖貝勒

巴雅喇多羅青巴圖魯貝勒穆爾哈齊阿爾哈

圖圖們貝勒褚英多羅鄂爾霍巴貝勒圖倫多  
羅富勒琿貝勒齊泰武多羅托克霍貝勒費揚  
武多羅額勒琿貝勒杜度輔國諾木琿公塔拜  
輔國達春公達爾查輔國公瑪占大學士達海  
巴克什三等伯明安昂邦章京業克蘇內大臣  
伊爾登額克欽覺羅色勒諾爾布瞻圖切圖碩  
翁科洛巴圖魯安費揚古都統博爾晉納木泰  
楞額禮額駙廷爾罕尚書徹爾格伊遜將軍阿  
穆爾圖和和哩額駙福喜額駙李永芳達爾罕  
轄鎮國將軍唐古泰拜克塞穆爾查費英東之

父索爾賀投降

太宗文皇帝之安達禮敦達禮安巴靈武倭什琿固倫  
公主墓俱遣官奠酒。○又

諭朕親奠克勤郡王等園寢據禮部援引

皇祖聖祖親奠功臣墳墓之例隨駕之皇子王等皆隨  
行禮此次隨駕之皇子王貝勒等應隨行禮具奏朕  
已降旨依議竊思從前隨駕之皇子王等皆係

皇祖子孫是以均隨行禮此次隨行之王貝勒內有朕  
之叔輩或朕之兄弟輩非從前隨駕之皇子王等可  
比每祭酒時亦隨行禮似屬未便朕親臨祭酒功臣



即為榮寵之至。克勤郡王園寢。王貝勒等仍隨往。功臣揚古利等墳墓。不必隨往。此後朕之子孫若隨來。朕降旨遵行。再蒙古王額駙王大臣墳墓。皆不必隨往。著令禮部記載。○十四年。

高宗純皇帝巡省中州。

鑾輿所經有附近

御道之前代名臣忠烈先賢祠墓。其名臣以從祀帝王廟者為斷。如伊尹周公許遠呂蒙正范仲淹司馬光王曾韓琦岳飛等九人。先賢以從祀。

先師廟者為斷。如端木子貢韓愈程顥程頤邵雍。未

子許衡等七人。其祠墓均遣官祭醑。以昭曠典。  
又如殷比干墓。漢

關帝墓。晉嵇紹祠。唐顏真卿墓。皆忠義卓越。亦應致  
祭。祭文由翰林院撰擬。香帛由太常寺祭品由  
地方官豫備。遣祭各官。照例開列具奏。恭候

欽派往祭。○又奏准直隸境內附近

御道有宋璟魏裔介墓。考唐臣宋璟。配饗

帝王廟。

本朝大學士魏裔介。從祀賢良祠。祠墓既在

御道三十里內。亦應遣官致祭。祭文祭品香帛。均

照例由各衙門豫備。○十五年議准。

聖駕南巡。凡先賢祠墓在

御道三十里內者。據浙江巡撫咨開到部。如唐陸贄。宋岳飛。明于謙。皆從祀。

帝王廟。明王守仁。從祀。

先師廟。

本朝徐潮。從祀賢良祠。皆應遣祭。又吳越王錢鏐。首建江塘。功德在民。現在臨安有祠。宜膺祀典。祭文祭品及香帛。均照例豫備。○十六年議准。兩江總督咨報境內先賢名臣祠墓到部。如秦

伯季札。至德高風。著稱經傳。言子游。范仲淹。皆  
吳產。從祀。

先師廟。張玉書。趙申喬。從祀賢良祠。均與奏准。還祭  
之例相符。卞壹。曹彬。宗澤。韓世忠。徐達。常遇春。  
方孝孺。于成龍。傅臘塔。湯斌。張伯行。陳鵬年等。  
皆非江蘇常鎮四府人。但或配饗。

帝王廟。或從祀賢良祠。或忠義卓著於史冊。其於江  
蘇地方。或有功斯民。或盡節茲土。或歸葬此鄉。  
祠墓既均在。

御道三十里以內。應一體遣官致祭。以彰盛典。○

又奏准江蘇山陽縣

本朝治河名臣靳輔。齊蘇勒。嵇曾筠。合祠。遣官致祭。○十九年。

高宗純皇帝巡幸盛京。遣官致奠武功郡王。恪恭貝勒墓。又穎毅親王克勤郡王。功臣揚古利。費英東。額亦都圖爾格墓。俱遣官奠酒。餘各王貝勒及功臣等墓。遣官奠酒。與乾隆八年同。○二十二年。

高宗純皇帝巡幸江浙。直隸河間縣從祀

先師廟之漢儒毛萇墓在

御道三十里內。遣官致祭。○又議准。明臣李文忠。係從祀。

帝王廟。

本朝撫臣潘思榘。於乾隆十七年奉

旨入祀賢良祠。皆與遣祭之例相符。所有江南省上元縣李文忠墓。陽湖縣潘思榘祠。一體遣官致祭。祭文香帛照例豫備。祭品交地方官備辦。其餘應祭之處。與十六年同。○又

諭。昨至浙江省城。禮部未奏請遣祭。故大學士徐本。詢其故。則以未入賢良祠。例不致祭為對。徐本歷事

兩朝宣力多年。勤勞懋著。即如前者過常州時。已故之巡撫潘思榘。禮部尚猶奏請。徐本視潘思榘為何如耶。朕巡幸所經郡縣。名臣舊輔。皆即致祭。乃國家念舊酬功之典。該部自當慎重辦理。何得膠柱鼓瑟。爾。徐本著入本省賢良祠。並著該部奏請遣官致祭。

○二十七年。

高宗純皇帝南巡江浙等省。先儒名臣祠墓。前已兩次遣祭。此次均派員奠酒。○又議准。唐臣許遠張巡從祀。

帝王廟。照例遣官致祭。○又大學士陳元龍。陳世倌。

蔣溥等墓俱奉

諭遣官奠酒。三十年。

高宗純皇帝南巡經過名臣祠墓。遣官拈香奠酒。並奉旨照二十七年舉行。梁詩正亦著添入。又

諭朕清蹕時巡。所有經過地方大臣祠墓。在三十里以內者。例俱遣官致祭。原任大學士史貽直之墓。雖遠在溧陽。念其宣力年久。亦著加恩一體遣祭。以示優卹。又議准明臣宋禮治河濟運。著有功績。雍正四年。

敕賜封號為甯漕公。其祠在汶上縣分水口。又濟甯州



先賢仲子由宓子不齊祠亦在

御舟所經三十里以內。一體遣官拈香。○三十六年。

高宗純皇帝東巡濟甯州之仲子祠。任子祠。汶上縣明臣宋禮祠。俱遣官拈香。南皮縣周尹吉甫墓。遣官奠酒。○四十一年。

高宗純皇帝東巡。經過祠墓。遣官拈香奠酒處所。與三十六年同。○四十三年。

高宗純皇帝巡幸盛京。

親詣克勤郡王。功臣揚古利。費英東。額亦都墓。奠酒。又

武功郡王及各功臣墓。俱遣官致奠。與乾隆十九年同。○四十五年

高宗純皇帝南巡先賢先儒名臣祠墓三十九處。直隸河間縣先儒毛萇祠。山東濟甯州先賢仲子祠。任子祠。汶上縣明臣宋禮祠。江南清河縣河臣靳輔。齊蘇勒。嵇曾筠。高斌。四人合祠。陽湖縣周吳季札祠。尚書趙申喬祠。撫臣潘思榘祠。武進縣大學士劉綸祠。丹徒縣宋臣宗澤祠。大學士張玉書祠。長洲縣先賢言子祠。宋臣韓世忠祠。吳縣周泰伯祠。宋臣范仲淹祠。撫臣湯斌祠。撫

臣張伯行祠。河臣陳鵬年祠。上元縣晉臣卞壺祠。宋臣曹彬祠。明臣方孝孺等一百十八人合祠。江甯縣督臣于成龍祠。督臣傅臘塔祠。浙江海甯州唐臣許遠張巡合祠。秀水縣唐臣陸贄祠。錢塘縣唐臣錢鏐祠。明臣于謙祠。俱遣官拈香。江南上元縣明臣徐達墓。常遇春墓。李文忠墓。甘泉縣明臣史可法墓。常熟縣大學士蔣溥墓。溧陽縣大學士史貽直墓。浙江仁和縣大學士梁詩正墓。錢塘縣宋臣岳飛墓。尚書徐潮墓。大學士徐本墓。海鹽縣大學士陳元龍墓。大學

士陳世倌墓。俱遣官奠酒。○又

諭。朕鑒輅時巡。凡大學士祠墓在三十里內者。例俱遣官致祭。已故尚書錢陳羣。向在內廷行走。人品學問俱優著。加恩派達椿前往致祭。以示眷念舊臣之意。○四十八年。

高宗純皇帝巡幸盛京。

親詣克勤郡王。功臣揚古利。費英東。額亦都。墓奠酒。又武功郡王。及各功臣墓。俱遣官往奠。與乾隆四十三年同。○四十九年。

高宗純皇帝南巡。先賢先儒名臣祠墓。遣官拈香奠酒。

均與四十五年同。○五十五年。

高宗純皇帝東巡。經過祠廟。遣官拈香奠酒。均與四十年同。○又奏准河間縣先儒毛萇祠。遣官拈香。○五十七年。

高宗純皇帝巡幸五臺。直隸容城縣明臣楊繼盛祠。在御路所經十二里之內。遣官致祭。○嘉慶十年。

仁宗睿皇帝巡幸盛京。

親詣克勤郡王功臣揚古利費英東額亦都墓奠酒。其武功郡王恪恭貝勒功臣圖爾格墓。遣官致祭。又達爾翰親王舒爾哈齊及各功臣墓。遣官奠

酒均照乾隆八年之例舉行。○又

諭朕詣盛京親至克勤郡王及揚古利費英東額亦都等墳院賜奠。禮部擬遞儀注。並有前引大臣恭導。所奏殊屬非是。朕追念勳臣親臨酌酒禮以義起。一切服色儀節自可隨時準酌而行。亦何須前引大臣恭導。即如在京屢有賜奠王大臣之事。禮部從未呈遞儀注。今於賜奠功臣詳敘禮儀。先期呈進。幾與祭祀大典同例。豈協以尊臨卑之義乎。著傳諭禮部。嗣後凡遇賜奠之事。俱毋庸奏進儀注。○十二年

諭朕展謁

西陵道經畿甸。原任大學士朱珪之墓。近距蹕路數里。追維哲輔。逝已三月。瞻眺松阡。中心愴惻。著派侍郎英和於本月初五日前往賜奠。以達朕懷。○十六年。仁宗睿皇帝巡幸五臺。直隸容城縣明臣楊繼盛祠。照乾隆五十七年之例。遣官致祭。○二十一年。

仁宗睿皇帝謁

西陵

回鑾親詣大學士朱珪墓奠酒。

欽定大清會典事例卷四百四十八

禮部

羣祀 賢良祠 直省賢良祠

賢良祠 ○賢良祠建於

地安門外之西。歲以春秋仲月諏吉。遣官致祭。前殿每案各素帛一。羊一。豕一。果一。果五盤。尊爵鑪鐙具。後室共帛一。羊一。豕一。每案果實五盤。尊爵鑪鐙具。承祭官蟒袍補服。行二跪六叩禮。所祀王公後裔暨大臣子孫在京有爵秩者。咸隨行禮。上香奠帛讀祝三獻。望燎均如儀。○雍正八



年

諭。國家效忠宣力之臣。勳績懋著。必膺崇報之典。令其世饗烝嘗。雍正二年。朕已敕建昭忠祠。自開國以來。致命立功。盡忠報國之儔。皆得春秋妥侑。世世血食。顧念古者大烝之祭。凡法施於民。以勞定國者。皆得並列祀典。永受明禋。則我朝名臣良弼。其經邦佐治。黼黻昇平者。皆祭法所必登。朕欲為之建立祠宇。久矣。即如怡親王之精白一心。忠誠體國。勳在社稷。澤被生民。其功德隆盛。又豈一切效忠宣力者之所可比倫乎。洪惟

太祖

太宗創業垂統。厥有一德佐命之良。

世祖撫綏萬邦。實多奮庸熙載之彥。迨我

聖祖臨御六十餘年間。良臣碩輔。後先相望。據朕所深知者。舉其一二。如大學士公圖海。公賴塔。大學士張英。尚書顧八代。馬爾漢。趙申喬。河道總督靳輔。齊蘇勒。總督楊宗仁。巡撫陳瓚等。持躬正直。奉職公忠。或垂節鉞之勳。或勵冰霜之節。俯仰無愧。為朝野所共欽。終始不渝。無瑕疵之可指。此等靖共爾位。不愧古大臣之風者。正不乏人。既樹羽儀於一世。宜隆俎豆。

於千秋。且使世世為臣者。觀感奮發。知所慕效。羣以  
臯夔稷契。共相期待。則明良喜起之盛。朕於斯有厚  
望焉。著於京城內。選擇吉地。特建廟宇。命名賢良祠。  
春秋以時展祀。其應入祠之人。著大學士會同該部  
查明本朝滿漢文武大臣才德著聞。完名全節者。詳  
慎開列。具奏請旨。將來繼起之臣。亦並得霑被恩光。  
永為盛典。欽此。遵。

旨議定。怡賢親王宗功元祀。宜為賢良之首。其良臣碩  
輔。如大學士公圖海。公賴塔。大學士張英。尚書  
顧八代。馬爾漢。趙申喬。河道總督靳輔。齊蘇勒。

總督楊宗仁。巡撫陳瓚等。均宜入祠崇祀。以光  
祀典。並將其餘擬定入祀滿漢文武大臣。繕錄  
事宜。開列名單。恭呈

御覽。俟

命下之日。奏請

欽賜扁額。行令欽天監擇日懸挂。其應行入祠之大臣。  
製造牌位。各按爵秩品級敘次安設。及撰文設  
祭。均照昭忠祠之例。交各該衙門敬謹辦理。  
十年

諭。原任將軍阿爾納。恪謹持躬。忠誠奉職。從前西陲用

兵宣力年久收復吐魯番平定青海均有勞績原任都統馮國相謹慎小心樸誠自矢服官辦事從無過愆向來各旗公庫皆有虧空惟馮國相所管正藍旗全無欠闕此即其出納謹嚴操守潔清之實據伊乃朕藩邸之人知之有素阿爾納馮國相二人應否入賢良祠著九卿會議具奏欽此遵

旨議定將軍阿爾納都統馮國相均入祀賢良祠○又諭賢良祠之王大臣應各立小傳以記生平事蹟著擬稿進呈○又

欽定原任大學士范文程巴克什達海大學士阿蘭泰

李之芳。吳璵。張玉書。李光地。富甯安。張鵬翮。領  
侍衛內大臣。福善。費揚古。尚書。勵杜訥。徐潮。姚  
文然。魏象樞。湯斌。提督。張勇。王進寶。孫思克。總  
督。趙良棟。于成龍。傅臘塔。均入祀賢良祠。○又  
議定。原任大學士甯完我。魏裔介。都統李國翰。  
提督施琅。護軍統領莽依圖。定西將軍公愛星  
阿。將軍佛尼勒。總督孟喬芳。均入祀賢良祠。○  
又奉

旨。原任大學士額色黑。王熙。總督李國英。都統根特。副  
都統褚庫。巴圖魯。此五人均入祀賢良祠。○又

諭原任領侍衛內大臣公尹德。乃額亦都之孫。居心謹厚。行己端方。朕所悉知。似應入賢良祠。著詢問九卿具奏。欽此。遵

旨議定。尹德應入祀賢良祠。並立傳以垂永久。○十一年。奏准賢良祠工竣。擇吉恭懸

御書崇忠念舊四字扁額。禮部會同工部太常寺堂官。前期將王公大臣神位。照原議各按爵秩品級。序次安設。讀文致祭。其前殿承祭官一人。由太常寺前期奏遣內大臣散秩大臣尚書都統。後殿遣太常寺堂官一人。行禮。嗣後春秋遣官承

祭均照例遵行。○又奉

旨。賢良祠之王公大臣等。著於本家各賜祭一壇。○又議准。賢良諸臣入祠之日。太常寺先期知會王大臣之後裔。至期會集祠內。分班行禮。嗣後凡遇春秋二祭。亦照例先期知照會集陪祀。○十二年

諭。原任大學士田從典。品行端直。老成謹愿。居官廉潔。奉國公忠。應入賢良祠。以風有位。○又

諭。原任大學士高其位。端方廉潔。忠厚和平。簡任綸扉。壽登大耋。應入賢良祠。以旌耆舊。○又議准。賢良祠



前殿供奉怡賢親王神位。照王府園寢設立下馬柱之例。於賢良祠大門外。設立下馬紅柱。○  
乾隆元年

諭原任加禮部尚書銜兼國子監祭酒楊名時。學問醇正。品行端方。著加贈太子太傅。入祀賢良祠。○又

諭原任大學士朱軾。品行端方。學術醇正。純修清德。望重朝端。著加贈太傅。入祀賢良祠。○又議准原任太子太保內大臣議政大臣一等男哈世屯。原任戶部尚書議政大臣一等男米思翰。均崇祀賢良祠。並於本家

賜祭一次。○三年

諭我

皇考酬庸念舊。特立賢良祠於京師。俾我朝宣勞輔治。完名全節之王大臣。永享禋祀。垂譽無窮。實自古未有之曠典也。賢良大臣之子孫。已登仕籍者固多。其中或有不能自振。漸就零落之人。亦屬可憫。朕仰體皇考厚待耆舊之盛心。特加恩一次。除現在入祠諸臣之子孫。有文官七品以上。武官五品以上者。已經錄用。毋庸查奏外。如子孫並無仕宦。或有品級而其屬卑微者。著該部行文各旗都統及直省督撫。查係嫡

齋擇其品行材質可以造就者給咨送部帶領引見候朕酌量加恩。五年題原任直隸總督李衛可否入祀省會賢良祠奉

旨。李衛敬歷中外。屢任封疆。宣力多年。勤勞素著。亦應入京師賢良祠。著九卿會議具奏。欽此。遵

旨議定。原任直隸總督李衛應於

京師賢良祠崇祀。並照例立傳。以垂永久。○六年諭。原任江蘇巡撫徐士林。學問有素。忠孝性成。著入京師賢良祠。以為臣工勸。○又

諭。尚書徐元夢。人品端方。學問優裕。踐履篤實。言行相

符。歷事

三朝。出入禁近。小心謹慎。數十年如一日。謂之完人。洵可無愧。著加贈太傅。入祀賢良祠。○十年議准。賢良祠內前殿製龕案。設怡賢親王神位。仍遵原議奉祀。其後宇四龕奉祀賢良臣五十八位。合為一龕。恭照我

朝繼承之序。定諸位饗祀之班。首序世次之最先者。餘則左右分行。各按世次序。其爵秩如現在配饗大學士。宜居前。領侍衛內大臣次之。尚書都統。將軍。總督。前鋒統領。護軍統領。提督。侍郎。

巡撫副都統各依次安設。至世爵列爵五等有子男授尚書都統者亦有侯伯為侍郎副都統者。應以尚書都統等秩為序。以昭畫一。謹將所擬安設神牌左右次序繕冊進呈。天聰年間名臣贈大學士謚文成巴克什達海。崇德年間名臣太傅兼太子太師內秘書院大學士一等子謚文肅范文程。蒙古副都統一等輕車都尉謚襄壯褚庫巴圖魯。順治年間名臣少傅兼太子太傅內國史院大學士謚文毅甯完我。少師兼太子太師內國史院大學士謚文恪額色黑。少

保兼太子太保定西將軍內大臣一等公諡靖  
康愛星阿太子太保內大臣議政大臣一等男  
加一雲騎尉諡恪僖哈世屯贈太子太保定西  
將軍都統三等侯諡敏壯墨爾根轄李國翰少  
保兼太子太保加贈太保四川陝西總督諡忠  
毅孟喬芳四川陝西總督諡勤襄李國英康熙  
年間名臣贈少保兼太子太傅中和殿大學士  
加封一等忠達公諡文襄圖海太子太保加贈  
太子太傅保和殿大學士兼禮部尚書諡文毅  
魏裔介少保太子太傅保和殿大學士兼禮部

尚書諡文靖王熙文華殿大學士兼吏部尚書  
諡文襄李之芳。贈太子太保加贈少保武英殿  
大學士兼吏部尚書諡文清阿蘭泰。贈太子太  
保文華殿大學士兼戶部尚書諡文貞張玉書。  
保和殿大學士兼刑部尚書諡文端吳璵。贈太  
子太保加贈太傅文華殿大學士兼禮部尚書  
諡文端張英。贈太子太傅文淵閣大學士兼吏  
部尚書諡文貞李光地。太子太保領侍衛內大  
臣一等公諡恭懿福善。太子少師領侍衛內大  
臣一等公諡襄壯費揚古。戶部尚書議政大臣

一等男加一雲騎尉諡敏果米思翰刑部尚書  
諡端恪姚文然刑部尚書諡敏果魏象樞工部  
尚書管詹事府事諡文正湯斌贈太傅加贈太  
師禮部尚書諡文端顧八代贈太子太傅議政  
大臣吏部尚書諡恭勤馬爾漢贈太子太傅禮  
部尚書銜刑部右侍郎諡文恪勵杜訥贈太子  
太保戶部尚書諡恭毅趙申喬吏部尚書兼翰  
林院掌院學士諡文敬徐潮太子少保贈太傅  
尚書銜食俸諡文定徐元夢禮部尚書銜福建  
巡撫諡清端陳瓊太子太保工部尚書銜河道



總督諡文襄。靳輔。鑲藍旗滿洲都統。諡襄壯。根特。正白旗滿洲都統。追封一等襄績公。諡襄毅。賴塔。正藍旗漢軍都統。諡桓僖。馮國相。贈太子少傅。靖海將軍。靖海侯。福建水師提督。諡襄壯。施琅。少傅。兼太子太師。贈少師。仍兼太子太師。靖逆將軍。一等侯。甘肅提督。諡襄壯。張勇。太子少保。加贈太子太保。振武將軍。甘肅提督。諡襄武。孫思克。贈太子太保。奮威將軍。陝西提督。諡襄忠。勇。王進寶。鎮南將軍。鑲白旗護軍統領。諡襄壯。莽依圖。西安將軍。諡恭靖。佛尼勒。勇略將軍。

雲南貴州總督兼一等子諡襄忠趙良棟贈太子太保江南江西總督諡清端傅臘塔贈太子太保江南江西總督諡清端于成龍雍正年間名臣太子太傅武英殿大學士兼吏部尚書諡文恭富甯安太子太傅加贈太傅文華殿大學士兼吏部尚書世襲騎都尉諡文端朱軾太子太保加贈少保文華殿大學士兼吏部尚書諡文端張鵬翮太子太師文華殿大學士兼吏部尚書諡文端田從典太子太傅文淵閣大學士兼吏部尚書世襲二等輕車都尉諡文恪高其

位領侍衛內大臣二等公諡愨敬尹德。鑲紅旗  
蒙古都統協理將軍諡僖恪阿爾納。贈太子太  
傅加禮部尚書銜兼管國子監祭酒事教習庶  
吉士諡文定楊名時。太子少傅加贈少保湖廣  
總督諡清端楊宗仁。太子太傅河道總督諡勤  
恪齊蘇勒。太子少保兵部尚書銜直隸總督諡  
敏達李衛。乾隆年間名臣江蘇巡撫徐士林。○  
十二年議准原任太保兼太子太傅保和殿大  
學士兼戶部尚書世襲二等伯加贈太傅諡文  
穆馬齊。文華殿大學士兼吏部尚書諡文端伊

桑阿。入祀賢良祠。照依世次爵秩。安設祠內各神位之次。○十四年

諭。原任直隸總督那蘇圖。久任封疆。公忠謹慎。茂著勞績。著加贈太子太傅。入祀賢良祠。○十五年

諭。朱爾墨特那木札爾。反形已露。僕不先加誅戮。傅清等亦必遭其荼毒。則傅清拉布敦之先幾。籌畫殲厥渠魁。實屬可嘉。非如霍光之誘致樓蘭而斬之也。夫臨陣捐軀。雖奮不顧身。然尚迫以勢所不得不然。如傅清拉布敦。揆幾審勢。決計定謀。其心較苦。而其功為尤大。著加恩追贈為一等伯。入賢良祠。昭忠祠。春

秋致祭。並入伊家祠從祀。○又

諭定邊左副將軍固倫額駙喀爾喀札薩克和碩超勇親王策凌以名藩尚主班崇懿戚在

皇祖時即已宣力邊陲勲猷茂著

皇考睿注優隆晉爵親王任專闡外身先血戰殄靖狡寇偉績丕昭益勤忠蓋朕以王

兩朝勳舊倚畀彌殷寄重長城倍加渥澤自昔功臣勳戚侑食廟廷以王之功宜得配饗

太廟雖蒙古親藩從未有與配饗者朕以王功在王室名勒旂常簡在久孚宜膺特典且令衆蒙古知朕崇

獎賢勞。中外一體。俾共知感奮。益切勸勉。並照和碩  
怡賢親王之例。從祀賢良祠。永垂秩祀。以示朕酬庸  
展親優賢篤舊至意。欽此。遵。

旨議定。賢良祠正殿五間。正中安奉怡賢親王牌位。後  
寢五間。安奉大學士巴克什達海等五十八人  
牌位。今超勇親王策凌入祠牌位。應於怡賢親  
王左次間設龕案安奉。其牌位龕案祭器等項。  
交與該衙門如式製造。欽天監選擇吉期。太常  
寺恭送入祠。於本家致祭一壇。仍交翰林院詳  
考事蹟立傳。以垂永久。○十六年

諭兩廣總督陳大受才品優長精明勤慎著入祀賢良祠以獎賢勞○十七年

諭潘思渠簡任巡撫實心黽勉著照江蘇巡撫徐士林之例入京師賢良祠以示優卹○二十一年

諭致仕大學士福敏品行端嚴學問醇正老成者碩宣力年深著入祀賢良祠○又

諭和起效命疆場捐軀報國忠節可嘉深為憫惻著照傅清拉布敦之例加恩贈卹欽此遵

旨議定將軍和起陣亡照傅清拉布敦之例入祀賢良祠○二十二年

諭。閩浙總督喀爾吉善。品行端重。練達老成。久任封疆。勤勞懋著。著入祀賢良祠。○又

諭。鶴年。歷任巡撫。頗能黽勉。著入祀賢良祠。○二十三

年

諭。吏部尚書汪由敦。老成端恪。敏練安詳。學問淵純。文辭雅正。簡任部務。供奉內廷。夙夜在公。勤勞匪懈。著加贈太子太師。入祀賢良祠。○二十四年

諭。大學士伯兼。管陝甘總督黃廷桂。忠誠敏達。幹練老成。歷任封疆。勤勞懋著。著入祀賢良祠。○二十六年

諭。原任尚書李元亮。數歷各部。宣力有年。居心老成。服



官勤慎。著入祀賢良祠。用昭優眷。○又

諭。大學士蔣溥。居心純正。奉職恪勤。簡任綸扉。綜理農部。兼領翰苑。久直內廷。敬慎小心。從無少懈。著入祀賢良祠。○二十八年

諭。大學士史貽直。練達老成。年登耄耋。數歷中外。參贊綸扉。宣力

三朝。勤勞夙著。著加恩。贈太保。入祀賢良祠。○又

諭。大學士梁詩正。老成端重。奉職恪勤。著入祀賢良祠。

○又

諭。鄂弼。自簡任巡撫以來。實力宣猷。恪勤懋著。著加恩。

賞贈尚書銜。入祀賢良祠。○二十九年

諭。大學士來保。老成端謹。誠篤恪勤。宣力

三朝。勤勞懋著。著加贈太保。入祀賢良祠。○又

諭。協辦大學士戶部尚書一等武毅謀勇公兆惠。質性  
精勤。材猷明練。西陲之役。稟承廟略。式畀元戎。盤錯  
屢經。膚功懋集。著加恩晉贈太保。入祀賢良祠。○三

十四年

諭。昨以尚書公阿里衮病故。已降旨察例賜卹。今念阿  
里衮雖因邁疾溘逝。而現在軍營統兵前進。不辭勞  
瘁。實屬為國宣力之人。且前者平定西陲。成勞懋著。

阿里衮著加恩入祀賢良祠以示酬庸令典。○三十

五年

諭太保大學士一等忠勇公傅恆才識超倫公忠體國德心孚契襄贊深資允宜入祀賢良祠其應得卹典著該部察例具奏。○三十六年

諭大學士尹繼善學識優通老成端謹歷封疆者三十餘載綏輯協宜洎入贊綸扉兼直禁近恪勤奉職著加贈太保入祀賢良祠。○又

諭原任大學士陳宏謀老成敦樸才品端方中外宣勞恪勤素著著入祀賢良祠。○又

諭陝甘總督吳達善久任封疆老成練達著加恩晉贈太子太保入祀賢良祠○三十八年

諭大學士劉綸品行端醇學問博雅久直禁廷簡畀閣務勤勞夙著著加贈太子太保入祀賢良祠○又

諭大學士劉統勳老成練達品行端方中外宣猷實為國家得力大臣簡任綸扉兼綜部務秉持公正著加恩晉贈太保入祀賢良祠○三十九年

諭在籍加刑部尚書銜錢陳羣老成端謹學問淵醇著加恩晉贈太保入祀賢良祠○又

諭總督管河南巡撫何燏老成練達誠篤恪勤體國愛

民實心經理著加贈太子太保。入祀賢良祠。○四十

二年

諭大學士舒赫德。老成端重。練達有為。勤勞匪懈。倚畀良深。著加恩晉贈太保。入祀賢良祠。○四十四年

諭大學士兼管兩江總督高晉。品行端醇。材猷練達。老成敦樸。體用兼優。著加恩入祀賢良祠。○四十八年

諭直隸總督袁守侗。端重篤實。才守兼優。數歷中外。宣力有年。著加恩晉贈太子太保。准入賢良祠。○又

諭太子太保大學士英廉。老成練達。奉職恪勤。翊贊綸扉。總司猷典。實心宣力。著加恩入祀賢良祠。○四十

九年

諭禮部議奏江西巡撫伊星阿題請已故巡撫李湖應  
否准入鄉賢祠一摺。李湖歷任封疆。實心實力。清勤  
懋著。在廣東巡撫任內。辦理地方事務。尤為認真。實  
係督撫中不可多得之員。李湖著照所請。准入鄉賢  
祠。並著加恩入祀京師賢良祠。以昭追念。前勞風示  
有位之至意。○五十一年

諭賢良祠之建。原所以覈其人品政績。嘉予明禮風勵  
有位。歷來滿漢大臣。有靖共夙夜。敷歷封疆。未經入  
祀者。自應量為增入。以示獎勸。所有原任大學士徐

本高斌伊犁將軍伊勒圖直隸總督方觀承兩江總督薩載俱著入祀賢良祠。○五十五年

諭許世亨著加恩入祀賢良祠。○五十七年

諭朕覽國史傅宏烈列傳載其生平忠烈事實深堪嘉獎。傅宏烈任慶陽府知府時即豫知吳三桂蓄謀不軌。首先訐告。及巡撫粵西正值吳三桂倡亂之時。

聖祖仁皇帝授為撫蠻滅寇大將軍。傅宏烈親統官兵恢復梧州等處。屢奏捷功。勞績懋著。嗣又密疏尚之信種種逆謀。請削其藩封。分其兵柄。陳詞剴切。備極忠誠。後為吳三桂逆黨馬承蔭所給。劫往貴陽。抗節。

不屈罵賊捐軀蒙

聖祖仁皇帝優卹賜諡並准祠祀桂林。

世宗憲皇帝復敕入祀昭忠祠以褒忠蓋朕披閱傳內所列事蹟嘉其志節良用憫焉傅宏烈著再入祀賢良祠○又

諭成都將軍奎林秉性肫誠持躬端謹久經行陣為國宣勞實為奮勇出力上年以廓爾喀滋擾衛藏特授奎林為參贊命其馳赴藏地會同福康安等帶兵勦捕賊匪雖係因病身故究屬歿於王事著入祀賢良祠○嘉慶元年



諭。福康安經禮部題請入昭忠祠。業經允准。似此宣勞超衆之大臣。不特忠蓋可嘉。即揆諸往古賢良。實為無愧。福康安著再入祀賢良祠。以獎賢勞而昭懋典。

○二年

諭。大學士公阿桂老成練達。更事多年。自平定西陲時。即隨同出師。旋經理新疆事務。周詳妥善。懋著勤勞。嗣勦辦兩金川。界以將軍重寄。秉承方略。堅持定見。克歲鉅功。特封為一等誠謀英勇公。圖像紫光閣。以旌勳績。簡任綸扉。綜理部務。贊襄樞要。二十餘年。正資倚畀。茲聞溘逝。深為悼惜。加恩晉贈太保。入祀賢

良祠○三年

諭鄂輝自擢授雲貴總督以來。辦理苗疆軍務。及善後一切事宜。甚為奮勉妥協。著加恩入祀賢良祠。○四年

諭朕恭閱

皇考高宗純皇帝實錄。乾隆三年八月欽奉

諭旨。賢良祠大臣之子孫。已登仕籍者固多。其中或有不能自振。漸就零落之人。亦屬可憫。除現在入祠大臣之子孫。有文官七品以上。武官五品以上。已經錄用。毋庸查奏外。如子孫並無仕宦。或有品級而甚屬

卑微者。著該部行查各旗都統及直省督撫。查係嫡裔。擇其才質可以造就者。給咨送部帶領引見。酌量加恩。仰見

皇考獎勵前勞。有加無已。欽維

皇祖建立賢良祠。實為千古曠典。

皇考復念其後裔。恩意有加。迄今已閱六十餘年。朕欽誦

聖謨。緬懷篤棊。凡宣勞佐治之大臣。曾入賢良祠者。其子孫或未登仕籍。或品級卑微。著該部行查八旗都統及各該督撫等。遵照舊例。詳細查明。送部引見。以

示朕念舊加恩至意。○六年

諭都察院奏張伯行之曾孫張裕孚等。應否與在京賢良祠後裔一體查辦一摺。上年諭令八旗都統各督撫查明入祀賢良祠子孫送部帶領引見。經吏部查照定例。將從前曾奉

特旨入祀在京賢良祠之子孫。按名查辦。其外省題請入祀本處賢良祠者。概未列入。蓋因各省名宦鄉賢等。本與在京賢良祠有間。雍正年間特奉

諭旨。令外省各建賢良祠。將文武大臣公忠正直勳節昭著者。地方官具奏入祠。歲時饗祀。此實我朝崇獎

名臣恩加無已至意。張伯行在雍正年間。居官清正。嗣於乾隆六年。經該省撫臣題請入祀江甯賢良祠。已足表其清節。至於查辦賢良祠子孫帶領引見。殊恩曠典。自有限制。部臣以曾奉

特旨入祀在京賢良祠者為斷。尚屬平允。所有張伯行子孫毋庸帶領引見。將來外省如有似此者。均一體遵辦。○七年奏准。致祭賢良祠承祭官。改為蟒袍補服。行禮。其例應陪祀後裔。亦均蟒袍補服。至謝恩時。仍穿朝服行禮。○九年

諭前大學士劉統勳。翊贊

先朝嘉猷茂著。伊子劉壙。克承家世。清介持躬。著加恩。晉贈太子太保。入祀賢良祠。○十年

諭。予告大學士王杰。

先朝耆舊。久直內廷。宣力有年。忠清直勁。老成端謹。著加恩。晉贈太子太師。入祀賢良祠。○十一年

諭。大學士朱珪。持躬正直。砥節清廉。經術淹通。器宇醇厚。著晉贈太傅。入祀賢良祠。○十二年三月十五日

諭。本日

皇考高宗純皇帝實錄告成。朕祇肅受書。實深欣慶。正總裁大學士董誥。前後在館八年。始終其事。允宜特

加優獎。董誥之父尚書董邦達。從前未經入祀賢良祠。著加恩准其入祀。其原任各總裁內前工部尚書贈協辦大學士彭元瑞。從前開館之時。一切章程體例。皆出其手。茲全書告歲。未預觀成。殊深惻念。著加恩賜祭一壇。入祀賢良祠。○又

諭原贈太師禮部尚書奉寬。學品俱臻純粹。朕自沖齡就傅。資益良多。著加恩入祀賢良祠。○十六年

諭大學士戴衢亨。持躬正直。學識淹通。體用兼優。忠勤懋著。著加恩晉贈太子太師。入祀賢良祠。○二十三

年

諭。予告大學士董誥。宣力垂四十年。奉職恪勤。著加恩。晉贈太傅。入祀賢良祠。○道光四年。

諭。原任河道總督黎世序。宣力河防。十餘年來。懋著勤勞。克盡職守。著加恩。賜諡襄勤。入祀賢良祠。○七年。諭。協辦大學士禮部尚書汪廷珍。人品端正。學問淵博。著加恩。晉贈太子太師。入祀賢良祠。○十三年。

諭。前任伊犁將軍玉麟。籌辦善後事宜。萬里同心。措施悉當。著加恩。晉贈太保。照尚書例。賜卹。入祀賢良祠。

○十四年

諭。大學士富俊。清慎公勤。克稱厥職。著加恩。晉贈太子太



傳入祀賢良祠。○十五年

諭大學士曹振鏞學問淵博獻替精醇公正慎勤老成持重著加恩入祀賢良祠。○又

諭致仕大學士托津宣力五十餘年資深望重辦事實心老成公正加恩晉贈太子太師入祀賢良祠。○十七年

諭予告陝甘總督楊遇春老成威望中外皆知著加恩晉贈太子太傅銜兵部尚書入祀賢良祠。○十八年  
諭大學士公長齡中外敬歷無愧贊襄著加恩入祀賢良祠。○十九年

諭致仕大學士盧蔭溥。宣力五十餘年。老成練達。著加恩。晉贈太子太師。入祀賢良祠。○又

諭前任兩江總督陶澍。實心任事。不避嫌怨。著加恩。晉贈太子太保銜。入祀賢良祠。○二十一年

諭致仕大學士文孚。公忠佐治。清慎持躬。著加恩。晉贈太子保銜。入祀賢良祠。○又

諭致仕尚書黃鉞。學問優長。持躬端謹。著加恩。晉贈太子太保銜。入祀賢良祠。○又

諭。本日據正紅旗將原任尚書隆文之子帶領引見。朕追念蓋臣。深為憫惻。隆文著加恩。入祀賢良祠。○又

諭大學士王鼎持躬正直植品端方體用素優忠勤懋著著加恩晉贈太子太保銜入祀賢良祠○二十九

年

諭協辦大學士吏部尚書陳官俊性情直爽表裏如一學問貫通慎勤供職著加恩晉贈太子太保銜入祀賢良祠○咸豐二年

諭協辦大學士杜受田秉躬端正勵節直清經術淵醇體用兼備加恩晉贈太子太師入祀賢良祠○四年  
諭予告大學士潘世恩立品端方學問醇正著入祀賢良祠○六年

諭大學士文慶。人品醇正。奉職勤能。宣力有年。靖共夙夜。著加恩入祀賢良祠。○八年

諭大學士裕誠。人品醇正。敷歷中外。奉職勤能。著加恩入祀賢良祠。○又

諭贈大學士禮部尚書銜前任禮部侍郎杜燾。植品端方。學有根柢。從公夙夜。克勵精勤。著加恩入祀賢良祠。○十一年

諭湖北巡撫胡林翼。秉性忠直。操守廉潔。公忠體國。懋著勤勞。著加恩予諡。入祀賢良祠。○同治元年

諭大學士桂良。志慮忠純。器量淵粹。加恩晉贈太傅。入

祀賢良祠。○又

諭大學士銜管理工部事務翁心存。品學純粹。守正不阿。加恩晉贈太保。入祀賢良祠。○又

諭署陝甘總督沈兆霖。為國宣勤。歿於王事。著加恩入祀賢良祠。○五年

諭予告大學士祁寯藻。學粹品端。忠清亮直。老成碩望。中外咸知。加恩晉贈太保。入祀賢良祠。○七年

諭協辦大學士四川總督駱秉章。忠誠亮直。清正勤明。著追贈太子太傅。入祀賢良祠。○九年

諭兩江總督馬新貽。持躬清慎。辦事公勤。著賞加太子

太保銜入祀賢良祠。○十年

諭大學士官文持躬端謹器量恢宏加恩晉贈太保入祀賢良祠。○又

諭大學士倭仁學術純正志慮忠誠加恩晉贈太保入祀賢良祠。○十一年

諭大學士兩江總督曾國藩學問純粹器識宏深秉性忠誠持躬清正著追贈太保入祀賢良祠。○又

諭大學士瑞常植品端方老成練達加恩晉贈太保入祀賢良祠。○十三年

諭予告大學士賈禎持躬端謹學問優長加恩晉贈太

保。入祀賢良祠。○光緒元年

諭大學士文祥。清正持躬。精詳謀國。忠純亮直。誠懇

公明。加恩予謚。晉贈太傅。入祀賢良祠。○五年

諭致仕大學士英桂。恪慎持躬。老成練達。加恩晉贈

太子太保銜。入祀賢良祠。○又

諭兩江總督沈葆楨。秉性沈毅。練達老成。籌辦軍務。

悉協機宜。加恩追贈太子太保銜。入祀賢良祠。○

七年

諭協辦大學士兵部尚書沈桂芬。清慎忠勤。老成端

慤。加恩晉贈太子太傅。入祀賢良祠。○八年

諭致仕大學士全慶。學問優長。老成恪慎。加恩晉贈太子太保。入祀賢良祠。○九年

諭致仕大學士戴齡。持躬恪慎。練達老成。加恩晉贈太子太保銜。入祀賢良祠。○十一年

諭大學士靈桂。老成端恪。學問優長。加恩晉贈太保。入祀賢良祠。○又

諭大學士左宗棠。學問優長。經濟閎遠。秉性廉正。滋事忠誠。著追贈太傅。入祀京師昭忠祠。賢良祠。○

十二年

諭四川總督丁寶楨。秉性忠誠。清勤練達。加恩追贈



太子太保銜。入祀賢良祠。

直省賢良祠。○直省會城建立賢良祠。歲春秋仲月。祭守土有功德大吏於賢良祠。祭日視

京師。以知府一人主之。教授教諭訓導等官執事。

祭品用羊一。豕一。果實五盤。帛一。尊爵鑪鐙具。主祭官上香奠帛三獻。行禮如儀。○雍正十年

諭。我朝從前文武大臣。持躬正直。奉職公忠。樹績建勳。完名全節者。朕已降旨於京師建立賢良祠。永遠展祀。以彰令善。因思外任大臣。鎮撫封疆。宣猷布化。忠勇效命。威愛宜民。其政績卓然可紀者。身故之後。若

於本地建立賢良祠。俾得永膺祀典。既足慰兵民懿好之公。亦足為後來居官者之勸。如近日之將軍蔡良。提督張起雲。總兵蘇大有。魏翥國。皆素有賢聲。勤勞王事而歿於官者。尤宜在賢良祠之列。著直省各於省會之地。建立祠宇。其與祀之人。若追溯從前。恐稽考未確。或滋濫膺。亦未可定。不若即從近年為始。向後若有應請入祠者。該督撫於一人各具一本請旨。不必彙奏。其一切事宜。著九卿妥議具奏。欽此。遵旨議定。令各省於省城內建立祠宇。將近年各省督撫將軍提鎮等大員。有政績卓然可紀。及此後外

任文武諸大員。著有賢名於身故之後。應請入祠者。令該督撫詳考事蹟。博採公論。一人各具一本。據實繕奏。恭請

欽定。一例入祠致祭。其每歲春秋祭品。均照各省名宦祠之例。令地方官備辦。入於祭祀銀內開銷。